

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za civilnu zaštitu, stručne i zajedničke poslove

Broj: 02/1-30-2786/22

Bihać, 23.05.2022. godine

Na osnovu člana 52. tačka b) Statuta Grada Bihaća ("Službeni glasnik Grada Bihaća", broj: 13/15 i 13/18) i člana 183. stav (2) Poslovnika Gradskog vijeća ("Službeni glasnik Grada Bihaća", broj: 3/16, 4/20), Gradonačelnik u svojstvu predlagača propisa i drugih akata:

O d r e đ u j e

Izvjestioca: Kulenović Edina, Pomoćnik gradonačelnika Službe za civilnu zaštitu, stručne i zajedničke poslove na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o izmjeni i dopunama Odluke o plaćama i naknadama zaposlenika gradskih organa grada Bihaća.



Po ovlaštenju gradonačelnika
broj: 02/1-30-2786/22 od 17.05.2022. g.

Jasmina Čoralić

BOSNA I HERCEGOVINA
FEDERACIJA BOSNE I HERCEGOVINE
UNSKO – SANSKI KANTON
GRAD BIHAĆ
GRADONAČELNIK

Služba za civilnu zaštitu, stručne i zajedničke poslove

Broj: 02/1-30-2959/22

Bihać, 23.05.2022. godine

Gradsko vijeće Bihać

-ovdje-

PREDMET: Prijedlog Odluke o izmjeni i dopunama Odluke o plaćama i naknadama zaposlenika gradskih organa grada Bihaća, dostavlja se

Na osnovu člana 52. Statuta Grada Bihać („Službeni glasnik Grada Bihaća“ br. 13/15, 13/18) i člana 140. Poslovnika Gradskog vijeća (“Službeni glasnik Grada Bihaća”, broj: 3/16), Gradonačelnik Gradskom vijeću dostavlja na razmatranje radi donošenja Prijedlog Odluke o izmjeni i dopunama Odluke o plaćama i naknadama zaposlenika gradskih organa grada Bihaća.

Pravni osnov

Pravni osnov za donošenje predložene Odluke o izmjeni i dopunama Odluke o plaćama i naknadama zaposlenika gradskih organa grada Bihaća, sadržan je u:

- Zakonu o izmjenama Zakona o plaćama i naknadama u organima vlasti FBiH (Službene novine FBiH broj: 20/17) u kojem je članom 6. stav 1. propisano:

“Osnovna plaća utvrđuje se množenjem osnovice za plaću iz člana 5. ovog zakona i boda za obračun plaće sa utvrđenim koeficijentom platnog razreda i tako utvrđeni iznos uvećava se za 0,5% za svaku započetu godinu penzijskog staža izabranih dužnosnika, nosioca izvršnih funkcija i savjetnika, državnih službenika i namještenika, službenika sudske policije i zatvorskih policajaca - stražara, a najviše do 20%.”

- Kolektivnom ugovoru za službenike organa uprave i sudske vlasti u Federaciji Bosne i Hercegovine (Službene novine FBiH br. 6/20, 11/21 i 5/22) u kojem je članom 23. stav 1., 2. i 3. propisano:

“Osnovna plaća državnog službenika ili namještenika utvrđuje se množenjem osnovice za plaću i boda za obračun plaće sa utvrđenim koeficijentom platnog razreda.

Utvrđivanje osnovice i boda vršice se u pregovorima između Vlade FBiH, vlada kantona, gradonačelnika, općinskih načelnika s jedne strane (u daljem tekstu poslodavac) i reprezentativnog sindikata s druge strane, prije usvajanja budžeta za narednu godinu.

Ukoliko se ne postigne dogovor između poslodavca iz stava (2) ovog člana i sindikata, poslodavac će utvrditi osnovicu i bod, pri čemu visina osnovice ne može biti niža od prethodno dogovorene, odnosno važeće.”

- Zakonu o državnoj službi u USK-u (“Službeni glasnik USK-a br. 14/17 i 15/20) u kojem je članom 11. stav 1. tačka 5. propisano:

“Pomoćnik rukovodioca organa državne službe” i članom 67. stav 4. propisano: “Kategorije radnih mjesta namještenika i vrsta i složenost poslova koji se vrše u okviru radnih mjesta namještenika utvrđuju podzakonskim propisom Vlada Kantona na prijedlog Ministarstva pravosuđa.”,

a u vezi sa Uredbom o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici (Službeni glasnik USK-a broj: 22/17) u kojoj je članom 3. stav 2. propisano: “Poslove pomoćne djelatnosti, vrše namještenici niže, srednje i više stručne spreme na način i pod uvjetima koji su utvrđeni ovom Uredbom.”

- Statutu Grada Bihaća (“Službeni glasnik Grada Bihaća”, br. 13/15 i 13/18) u kojem je članom 35. tačka c) propisano da Gradsko vijeće, u okviru svoje nadležnosti, donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

Razlozi za donošenje


Odluka o plaćama i naknadama zaposlenika gradskih organa grada Bihaća (Službeni glasnik grada Bihaća broj: 5/16) primjenjuje se od 01.07.2016. godine. Nakon stupanja na snagu ove Odluke donesen je određen broj propisa sa kojima je neophodno izvršiti usklađivanje predložene Odluke kako je gore navedeno.

Potrebna finansijska sredstva:

Realizacija ove Odluke može imati finansijske učinke što zavisi od Sporazuma između Gradonačelnika i Sindikata kojim će se regulisati međusobna prava i obaveze.

Imajući u vidu gore navedeno, predlaže se Gradskom vijeću grada Bihaća da usvoji Prijedlog Odluke o izmjeni i dopunama Odluke o plaćama i naknadama zaposlenika gradskih organa grada Bihaća kao u predloženom tekstu.

Prilog: Odluka o izmjeni i dopunama Odluke o plaćama i naknadama zaposlenika gradskih organa grada Bihaća



Po ovlaštenju gradonačelnika
broj: 02/1-30-2786/22 od 17.05.2022. g.

Jasmina Čoralić

Na osnovu člana 60. stav (1) Zakona o plaćama i naknadama u organima vlasti Federacije Bosne i Hercegovine („Službene novine FBiH“ br. 45/10, 111/12 i 20/17), člana 46. stav (4) Zakona o plaćama i naknadama u organima vlasti Unsko-sanskog kantona („Službeni glasnik Grada Bihaća“ broj 11/15) i člana 35. stav (1) tačka mm) Statuta Grada Bihaća („Službeni glasnik Grada Bihaća“ br. 13/15 i 13/18) Gradsko vijeće Bihaća na ____ sjednici održanoj dana _____2022. godine, donosi

ODLUKU
O IZMJENI I DOPUNAMA ODLUKE O PLAĆAMA I NAKNADAMA
ZAPOSLENIKA GRADSKIH ORGANA GRADA BIHAĆA

Član 1.

U Odluci o plaćama i naknadama zaposlenika gradskih organa grada Bihaća („Službeni glasnik Grada Bihaća“, broj: 5/16) u članu 1. stav (1) tačka g) briše se.

Član 2.

U članu 7. stav (1) iza riječi „osnovicu“ dodaju se riječi „i bod“ i u stavu (2) iza riječi „osnovici“ dodaju se riječi „i bodu“.

Član 3.

U članu 8. stav (1) iza riječi „za plaću“ dodaju se riječi „i boda za obračun plaće“.

Član 4.

Član 18. briše se.

Član 5.

U Aneksu 2. tačka III mijenja se i glasi: „pomoćnik gradonačelnika“.

Član 6.

U Aneksu 2. tačka V briše se.

Član 7.

U Aneksu 3. dodaje se tačka VI koja glasi: „-pomoćni radnik i – nekvalifikovani radnik (NK radnik); koeficijent 1,85“.

Član 8.

Aneks 4. briše se.

Član 9.

Ova Odluka stupa na snagu danom donošenja, a objavit će se u Službenom glasniku Grada Bihaća

Predsjedavajući Gradskog vijeća
Zulfikar Handukić s.r.

Broj: _____
Bihać: _____ 2022. godine